

DISPUTATIO PHYSICA

De

MAGIA,

Quam

Annunte Magorum N. T. Ductore
ac Doctore,

Indultu Amplissimæ Facultatis
Philosophicæ,

In Inclytâ Academia Rostochiensî
Publicæ Philosophantium disquisitioni exhibent

P R Æ S E S

M. BARTHOLO-
MÆUS Schütze/

Gryphibergâ Pomeranus
&

RESPONDENS

HEINO Meyer / Rostochiensis

Ad d. XXIII. Januar. A N N O M. D C. L X I X.



ROSTOCHII,

Typis JOHANNIS KILII, Universitatis Typogr.

DEPARTMENT OF AGRICULTURE

FOREST SERVICE

WASHINGTON, D. C.

August 1, 1914

Mr. J. H. ...

Dear Sir:

I have the honor to acknowledge the receipt of your letter of the 28th inst.

and in reply to inform you that the same has been forwarded to the proper authorities for their consideration.

I am, Sir, very respectfully,


Yours very truly,

W. B. ...

Special Agent in Charge

Forest Service

Department of Agriculture



PRÆFAMEN.

Dies Magorum memoria facer illuxit nuper, dies Natalis Christiani gentium, dies commentationis non solam Ecclesiasticam, sed & Scholasticam dignissimus. Scilicet erant Magi & insignes Viri Theologi, lumine revelationis Divinae, tum exteriori, tum interiori maxime ad stuporem usque perfusi, & Philosophici scientiis omnibus, praesertim Physicæ & Mathematicæ adunguem, excellentissimo raritudinis exemplo, imbuti. De horum origine, institutu, doctrinâ ac moribus si præfari prolixius instituti nostri ratio foret, hem! quam magnus se aperiret differendi campus. Quin potius calamum appellere nunc lubet, ad commentandum aliquid de Magia in genere ex Physicis, cujus idem fundamentum illi, naturam nobiscum supposuisse censendi sunt. Si verò quaedam adduxerimus ultimò de Magia non naturali & illicita, nemo, ut sperabimus, eam rem nobis vitio vertet, ex lege illa Philosophorum; Opposita se mutuo explicanti & illustrant. Deus adsit conatibus!

SECTIO PRIMA THEOREMATICA

Theor. I. Nomen Magiæ primùm honestum fuit,
post ignominiosum, tandem medium.

§. I.

ET nominum quoque aliqua ratio interdum Philosopho est habenda. Quanquam verò cum Philosophiæ æstumatissimâ gravitate parum convenire videtur scrupulosa & tantum non supersticiosa Grammaticorum de vocibus concertatio; res quippe magis quam verba spectat, & siquidem posset sine verborum involucris, animi sui patefaceret sensa; usu tamen venit Philosophiæ cultori, ut verborum interdum curam quandam, sobriam, æmen & justam, agere illum oporteat mature, quando hodie cum verbis ita comparatum est, ut usu valeant, ceu nummi, & nomina sæpenumero muniant aditum ad rerum ipsarum.

ipsarum feliciorē investigationem. Oportet igitur vocis ipsius usum cognoscere, quo saepenumero provehimur in rei cognitionem dicente Scalig: *de subt. Exc. I. f. I.* Nos jam de Magiā acturi, exorsa à nominis deducimus incunabulis. Ut verò suos patiuntur manes vocabula pleraq; ut ab Autoribus variis variæ ipsis assignentur originationes & significationes, ita, nescio certè, an ullum aliud præstet vocabulum, de quo minùs consentiant linguarum Artifices, quàm quidem nostrum. Enimverò vel è latinâ linguâ à magnitudine scientiæ vocis Etymon petitur à quibusdam, vel ex Gracâ aliis placet derivare, à μέγας aut μάσσω vel μάττω, quod est subigere cum Autore Etymologici, vel ex Hebræo idiomate natales vocis arcescuntur ab aliis, nempe à voce מַשְׁכֵּם vel מַשְׁכֵּם. quod Rabbiniis est innuere. Sed non attinet singulas sententias excutere hîc prolixius. Vid. Martinus in *Lex. Philol.* in hac voce, Et quivis aliàs emunctioris aliquantum iudicii ultrò advertit, in istis derivandi rationibus, contorta, coacta, longius petita, vel ad minimum allusiva pleraq; tantum esse. Magiam vero Persiæ suos debere natales, cordatiorum sententia est, quibus haud inviti accedimus. Apud Persas illi qui in rerum Divinarum scientiâ versantur, appellantur Magi. Hoc enim Patriâ ipsorum linguâ vox Magus sonat testante Porphyriô l. 4. ωει δ' ἀρχὴς. Idem tradunt Hesychius in *lex. Scal. Exc. 327.* Beerman: in *Orig. p. 693.* Balduinus in *Cas. conf. l. 3. c. 5.*

§. 2. In pretio itaq; antiquitus nomen Magiam profitentium & Magia ipsa fuit, nec adeo male audivit. Nam nec qui Persarum Rex poterat esse, qui non inter Magorum disciplinam scientiam perceperat, memorante Cic: l. I. de *Divin.* Quænam præterea pertinuerint ad Magiam isthanc, recenset Aretius in *Probl. l. 44. p. 430.* At non perpetua fuit hæc felicitas vocabulo huic, ut retinuerit primum suum, quo cum ipsis literis & syllabis exultavit, usum, quippe successu temporis degeneravit, non suâ quadam culpâ sed hominum sceleratorum, Magiæ honesto titulo abutentium ad diabolicæ Magiæ quæcumq; collusionem, & ita in sequiorem partem id tractum nominis est Nam cū quidam postmodum diabolicis artibus sese dederent, fœdera cum malo Dæmone alii explicita, implicita alii inierant, & has fraudes Magiæ specioso nomine interim tegerent, factum est, ut ipsum Magiæ nomen, cognitò tantò crimine, odiosum redderetur, & frequentaretur amplius, non solum de iis, qui Scientiæ naturalis egregiè merebantur famam, sed & de

de iis, qui diabolicis adiuti suggestionibus miranda quadam scire, ac patrare tum sibi tum alius videbantur. Hinc Scal: l. c. dicit, nomen apud vulgus odiosum fecisse colluviem impostorum, propter Smerdi proditionem ac perfidiam insensum dia.

§ 3. Ceterum non fuit tanta tamen huius mali vis, ut de statione avitæ suæ significationis deicere prorsus potuerit nomen Magiæ deterior interpretatio, ut vestigium adhuc hæterit perioris significatûs. Enim vero, quod Magiæ nomen refertur hodie inter ea vocabula, quæ ~~magis~~ a Philologis appellantur, & utramvis in partem tum bonam, tum malam accipiuntur, illud, qua parte declinat ad meliorem, acceptum oppidò fect nativæ vocis significationi. Quod tamen in deteriore simul, & fere læpius quàm meliorem rapitur, ejus non tam culpam præstare tenetur quàm non tenentur vocabula Tyrannus, Latrones, Sophista, quorum primum ortum & usum, rerum, quæ illis innocenter designabantur, pejor defœdavit usus. Vid. Danh. in Id. B D. p. 29. De vocabulis ejusdem fati vid. Gell. lib. 12. N. A. c. 9. Usus jam certet cum abulu Magiæ, succumbat hic, obtineat ille. Nos itaque jam, sequestratò vocis abulu, quo supponitur pro diabolicâ & illicitâ Magiâ, de quâ tamen incidenter quædam postea & indirecè; intelligimus per Magiam non tralatitiam ac superficialem, sed accuratam & exactam virium in corporibus naturalibus cognitionem, ad eventuum admirandorum prædictionem, & stupendorum effectuum productionem. Hinc Philo Judæus Persarum Magos delineaturus, scribit, quod nature opera scrutati cognoscendæ studio, per otium, Divinas virtutes clarioribus & expressioribus rationibus edoceantur & doceant. Si quid itaq; nobilius aut miraculo proximius in naturalibus scientiis aut fingi aut excogitari potest, id reconditoris literaturæ Viri Scientissimi Magiam dixerunt, inquit, Johan: B. Port. l. 1. M. N. c. 2. Magus ergo nobis jam est excellentissimus & experientissimus Physicus, ait Dn. Lic. Pomarius colleg. Phys. gener. P. disp. 13. §. 1.

THEOR. II.

Datur Magia naturalis ad Phycam omnino referenda.

§. 1. De Existentiâ rei nos prius securos esse decet, antequam illius suspiciamus temerè essentiam. Frustra certè suscipitur tractatio ἢ τῷ λόγῳ alicujus rei, nisi ante constiterit ipsum ὄν. Ceterum jam

non disquiritur, utrum detur Magia Dæmoniacæ, ope ejus mancipia
Satanæ multa mira cognoscere & facere possunt. Illam enim, pro
dolor! dari omnino, quotidiana clamat experientia, cum haud desint
ubique infelicissimæ sortis homines, cum diabolo vel implicite vel
explicitè colludentes, atque nefarium hoc Magiæ genus strenuè exer-
centes, & quidem reverà, quicquid in contrarium sentiant, quos pro
merà phantasiâ omne, quod hujus accidir, intempestivè reputare au-
dias nonnunquam. Nos missâ ad orcum, unde infelix caput extulit,
illa Magiâ, naturalem dari magiam probamus *ex naturali eventuum*
quorundam predicatione, & operum mirandorum productione. Inde Magia
naturalis. Cujus fundamentum proximum & immediatum sunt quali-
tates corporum naturalium, quarum, quanta, Deum immortalem!
varietas & efficacia! Si quis earum numerum vellet inire, maris arenas
computando absolveret citius, quàm modum instituti inveniret. *Quàm*
latè formarum specificarum patet ratio, tam latè se qualitatum diffundit
ambitus, inquit, B. Sperling, in *instit. Phys.* pag. 332. Nescit propter in-
credibiles qualitatum vires, otiosa delitescere natura ulla, sed maximè
negotiosa in operationes varias tantum non tota resolvitur. Supera
in media, media in infima & hæc in se invicem agunt, mediantibus qua-
litatibus, totâ die. Ecquis est, cui non innotuit vis Astrorum in hæc
sublunaria, & varia, quæ in illis relinquunt, effecta? quis non persensit
ad nauseam usque elementorum qualitates & operationes exinde pro-
venientes ipsemet? Atque harum quidem origo non obscura adeo est.
Deprehendas tamen in divite Naturæ latifundio & alias qualitates, qua-
rum origo haud cuivis, primo intuitu, perspecta est, nec cohesio ef-
fectuum, quos produciunt tamen, ad causam patet exemplo. Quæ
quidem nomine veniunt qualitatum occultarum, non simpliciter, quis
enim sic de iis unquam vel cogitasset? sed *respective* & in comparatio-
ne ad manifestas qualitates, quæ hominibus de trivio etiam notæ sunt,
nec adeo admirationis aculeum in animis spectantium defigunt. Et si
verò hæc, quæ vocantur qualitates manifestæ, ex lege naturæ manife-
stæ, agunt ferè, quod agunt, ut adeo nullum aut exiguum valde mo-
mentum conferre videantur ad magiam nostram, tamen haud prorsus
nullum est, quod ex iis altius perspectis exsurgit stabilimentum Magiæ.
*Maximum eorum, quæ de his etiam qualitatum scimus, est minimum eo-
rum, quæ de iis ignoramus.* Quis enim omnem naturam ignis & reli-
quorum

quorum elementorum ita investigando exhausti, ut non supersit, quod adhuc explere possit cognitionem hominis. Quò plus operæ verò quis posuit in intimiori qualitatibus naturalium, etiam manifestarum, exploratione, & expedita illarum ad effectus raros applicatione, eo plus profecit ad diviniore hujus Habitus confirmationem. Licet autem hæc ita se habeant, non tamen potissimum nec omne ferunt hic punctum qualitates alioquin manifestæ. *Deducere omnia ad qualitates manifestas, summa impudentia est*, dicente Scaligero Exerc. 218. sect. 1. Hinc concedendæ qualitates occultæ quandoque, imò in Magia supponendæ oppido sunt, si quis fundamentum Magiæ ipsum tenere velit. Quanto quis penitus perspectas habet has, quousque per ingenii omnem contentionem licet, tanto exactius caller Magiam naturalem, & effectus inde resultantes discernit ab aliis vulgaribus. Nec sibi solum novit eventus & effectus ex efficaciam qualitatibus naturalium secuturos, sed etiam aliis, quibus non solum eos prædicere solerti quadam sagacitate potest, sed etiam pro re natà ipsosmet efficere, & tantam admirationem in spectantium animis excitare, ut rerum ignari Deum, potius vel Dæmonem, quam Naturam subesse putarint. Vide mihi ferrum in medio aere quiescere, & ad neutrum latus inclinare, non mediocri, credo, perfunderis stupore, si ne hilum quidem de magneticâ vi intercedente & sistente gravitatem ferri ad æquilibrium, cogitasti unquam, aut fando audivisti. Magia vero naturalis inveniendò causam ejus rei, quòd ferrum in medio aere pendulum quiescat, & deducendo eam ab occulta quadam qualitate magnetis, facile Te liberabit ignorantiam, & exinde redundante admiratione. Vid. Fernelius lib. 2. de abdit. rerum causis. c. 2.

§. 2. Nec interim totalis & consummata est scientia qualitatibus occultarum, quam promittit Magia nostra, in quem enim mortaliū, ingeniosissimum etiam ea caderet? Sed aliqualis, vera tamen & certa quoque suo modo, quæ tò òn rerum tantum attingit, quanquam diòn prorsus non penetrat. Sufficit, si ex contemplatione & applicatione qualitatibus illarum potest prædicere futuros eventus, & admiranda quoque efficere interdum opera Magiæ cultor. Quò pertinent exempla, quæ huc referri in confirmationem Magiæ naturalis assolent. Sic Plinius lib. 18. hist. Nat. cap. 28, prodidit de Democrito, quod primus intellexerit celi cum terris societatem, cumq; ex futuro Vergiliarum oru maxi-

mam

*nam praevidisset olei caritatem, omne in toto tractu oleum coemerit, & quæ-
 rum exinde fecerit amplissimum, quem tamen non sibi servare sed avari
 dominus reddere maluerit. Quod Anaxagoras Clazomenius, referente eo-
 dem Plinio lib. 2. c. 58. cæloßium literarum scientiâ prædixarit, quibus die-
 bus saxum esset casurum è sole, idque factum interdum esse in Thraciæ parte
 ad Egos flumen, suo relinquimus loco, cum impossibile sit, cecidisse
 ex Sole, si cecidit, nisi forsan ita intelligendus Philosophus est, quod
 ex nube illud cecidisse dixerit, quæ conjectura est Domini Romarii antea
 citati. Inter stupenda effecta Magiæ numeratur etiam Machina illa Ar-
 chimedu, qua triremes hostium incendiisse fertur, tantasq; edidisse strages, ut
 illi perculsi terrore, non contra homines, sed contra Deos se pugnare dice-
 rent. Huc Archita Tarentini columba lignea, & Johannis Regiomontani
 Aquila & musca ferrea volatilis pertinent, ac alia ejus generis, quæ recen-
 sentur non parvo numero à Porta, B. Sperlingio, & aliis, & siquidem illa
 naturaliter & verè ad unum omnia, non præstigiatorio & Dæmoniacò
 artificio, quod de omnibus promiscuè dicendum haut est, gesta sunt,
 ecquis negabit, Magiæ naturali accepto ferenda esse? Negari interim
 vix potest, quod multi multa vana, falsa & superstitiosa huic Magiæ inteme-
 rata adjungant, sed vitia linguenda vitiosis, & decus virtuti, ut sapienter
 præcipit, B. Sperl. in Instit. Phys. P. G. p. 367.*

*§. 3. Dari Magiam naturalem ita constat; ad quamnam disciplina-
 rum Philosophicarum pertineat, disputari adhuc potest. Agunt de Magia
 Theologi, Jureconsulti, Medici, Philosophi. Et hos inter Pneumatici, Physici,
 Mathematici, Politici, inquit Sperl. in Inst. Phys. p. 357. Nos quo jure ac nomi-
 ne in Physica agatur de Magia, anquirimus potissimum. Omne quic-
 quid tractationis Physicæ est, vel causa corporis naturalis, vel affectio
 ejus, vel species esse perhibetur. Atqui Magia neque est causa corpo-
 ris naturalis, neque affectio, neque species. E. nec est tractationis
 Physicæ. Verùm limitanda est major prop; Q. neque est causa C. N.
 neque affectio, neque effectio, aut aliquid immediatè fluens ex affectione,
 illud non est considerationis Physicæ: Sic verò N. Minor. Licet enim
 non sit causa C. N. neque affectio, neque species, est tamen quoddam
 immediatè fluens ex affectione Qualitatis. Physicæ autem est, non so-
 lum corpora naturalia, eorumque species & affectiones, sed & opera-
 tiones, immediatè exinde resultantes, quatenus quidem sunt naturales,
 sollicitis computare articulis. Atque de Magiâ Theoreticâ res fortè
 non*

non adeò dubii juris est. De practica verò haud apparet, quomodo spectet ad Habitum theoreticum qualis est scientia naturalis. Verum, si in Mathesi egregia non raro, absque scientiæ jacturâ, producuntur opera, quid obstat, quo minus Magia, admirandorum operum effectrix, locum suum tueri queat in Physicâ. Nec ut faciat & operetur, tractat Magiam Physica primariò, sed ut sciat & contempletur. Si verò quandoque progreditur ad operationes secundum Magiam, non primariò, sed secundariò saltem facere censenda est, quicquid hujus facit, neque in sui ipsius, sed alius gratiam; vel spectatur ita *materialiter*, prout in hoc vel illò subjectò reperitur, in quo plura concurrere possunt, quæ forte requirunt operationem Magiæ. Sic Chymicorum operationes circa metallorum transmutationem adducit suò locò Physicus, non quasi ipse semper occupatus teneatur esse in elaborando aurò vel alio præstantiori metallò, sed ostendit ex scientiæ suæ principiis, artificiosam metalli transmutationem non esse prorsus impossibilem, & si fortè ejus rei specimen dare molitur, illud quidem non scientiæ suæ, sed facultatum suarum agit periculo. Vid. Nollins in *Phys. Herm.* l. 8 c. 3. p. 321. Sennert: in *conf. & diss. chym.* c. 2.

THEOR. III.

Magia naturalis est habitus, rerum abditarum scientiâ, & operum admirandorum effectione constans. Hinc Magia alia est Theoretica; Practica alia.

§. I. Definitio hæc resolvitur in Definitum & Definitionem ipsam. Circa *Definitum* *Onomatologia* explicanda hîc in antecessum esset, nisi operâ eâ jam defuncti essemus Th. I. Nunc igitur sine morâ procedere licet ad ipsam *Pragmatologiam*. Definitio constat genere suò & differentiâ specificâ. Genus est habitus. Non enim immediatè nobis infunditur, nec à primis unguiculis connascitur, sed per crebras contemplationes & reiteratas actiones acquiritur & perficitur Magia. Et illa quidem tria momenta, quæ ad habitum acquisitum parandum ac firmandû concurrunt, nempe *Φύσις* natura, *μάθησις* disciplina & *ἀσκησις* exercitatio, ita confluunt ad constitutionem Magiæ, ut, sine his si fue,

rit, ne habitus quidem dici mereatur. Natura quidem aliquid potest sine disciplina & exercitiô, sed quàm exiguam istud est, si conferatur cum eo, quod potest natura instructa disciplinâ & exercitatione. Natura primas hic lineas ponit, quas disciplina perficit ulterius, exercitatio ne summam manum feliciter imponente. Exinde tandem consurgit habitus consummatus.

§. 2. Cum autem habitus naturali studiô acquisiti ne unius quidem generis sint, statuendum hic commodè est, quinam ex iis quadret ad Magiam naturalem. Et habituum ratio latè patet aliàs, illa tamen distinctio, per quam alius habitus est *simplex*, alius *compositus*, sufficere ad negotium præsens abundè potest. Præsupponimus verò, dari habitus non solum simplices, sed & compositos. Objectum unum idemque duos tamen formales considerandi modos admittere potest, & ad distinctos fines ordinari, quod idoneum satis argumentum est habitus compositi. Atque talis habitus est habitus Theoretico-Practicus; Non enim Theoria & Praxis tam extremè dissident naturis, ut plane nequeant in unum coalescere habitum; Diversa quidem sunt, at non omni modo opposita. Unus idemque habitus potest esse theoreticus & practicus, quod patet exemplô Philosophi; quæ definitur in genere *Habitus constans theoriâ & praxi*. Et talis quoque habitus est Magia; Nam non solum eminet abditarum rerum naturalium, scientiâ, sed mirandorum operum effectiône quoque gloriatur. Nec tamen eâ parte, quâ contemplatur, operatur operatione propriè dictâ & Theoriæ contradistinctâ, nec eâ, qua operatur, contemplatur. Distinctio quippè, quam parit diversa habitudo formalis ad idem objectum, ne in statu quidem compositionis perit, sed facta recta imposterum persistat nihilominus. Cum verò diversam istam formalem considerandi rationem requirat omnino Magia, ut quâdam sui parte contemplabilis sit, quâdam operabilis, & eâ, quâ contemplabilis, non operabilis, nec, quâ operabilis, contemplabilis, ipsa natura rei necessitatem nobis imponit, habitum compositum ei assignandi.

§. 3. Enimverò hoc genus adæquatum est, ita, ut strictius minimè sit Definitio suâ, quod aliàs vitium est, cautè evitandum, in formandis definitionibus, juxta Logicorum præcepta. Si verò hic substituatur scientia, vitium contrahet subito Definitio, quippè quæ non exhaurit omnem latitudinem illius, quod continetur sub Magiâ, sub
qua

quā haud minus contineri practicam, quam Theoreticam inconfesso est. Ad utramque igitur oculus mentis prius est intendendus illi, quī conceptum genericum adæquatum Magiæ præsumit dare. Atque hoc quod exinde resultat, verum ejus genus est, Habitus nempe compositus ex Theoria & Praxi.

§. 4. Differentia specifica, per quam ultimato constituitur & ab aliis habitibus quibusvis distinguitur Magia, nunc indaganda oportune. Quæ autem est aliorum habituum ratio, ut differentiam eorum objecta propria constituent, à quibus etiam esse ipsum specificum habituum dependet, ea quoque Magiæ est, ut determinetur per objectum suum proprium & distinguatur ab aliis. Objectum autem hic intelligitur, non tam quoad materiale, quod habitibus inter se commune fere est, sed maxime quoad formale, quod gignit diversus considerandi modus. Diversus considerandi modus autem fundamentum in re ipsa agnoscere debet, nisi alias pro falso & nullo haberi velit. Atque tale quidem objectum hic deprehendimus, quod est geminum, non re ipsā & materialiter, sed considerandi modo, & formaliter. Objectum sunt res abditæ & opera admiranda. Non tamen res abditæ hic intelliguntur, nisi in sphaera corporis naturalis, alia, quæ supra naturam abditā hominibus momenta sunt, ut plura sunt de Deo, de Spiritibus, de futuris merè contingentibus, penetrare minus valet. Sicut nec per miranda opera hic indignantur miranda illa ordinaria, opera Dei, quatenus sunt Dei, in mundo varia, admiratione omni tantum non majora, nec extraordinaria, quæ sunt veri nominis miracula, à nullā aliā nisi potentiā infinita per se patranda; Nec intenduntur hic mira opera Dæmonum, quæ vel per se, vel per Magos suos efficiunt, siue vera sint, siue fucata & præstigiatoria. *Nam quæ passim de Dæmonum miris operibus dicuntur ac scribuntur, nec omnia esse falsa, vana, fucata, simulata, præstigiatoria, nec omnia vera & talia, qualia videntur, sed quedam vera, quedam apparentia tantum, quedam ex utroque mixta, judiciosè pronunciat Jesuita Scottus in Phys. Curios p. 49.* Sed hæc, quæcunque sint non spectant huc, nisi indirectè forsan; Directè Magia naturalis considerat res abditas & opera miranda, ad corporis naturalis hæmisphærium spectantia, unde etiam naturalis dicitur, quia partim circa objectum naturale versatur, partim vi & modo operandi naturali circa illud versatur, ex corporum naturalium, Stellarum, Elemento-

rum, Effluviarum, Mineralium, Plantarum, animalium naturis & viribus delitescens arcana indagando & inveniando, taliaque opera naturali ope, quam ars & experientia facilitavit, producendo, quarum ignavis miraculosa & prodigia videntur. Talia opera Magia naturalis sunt, quando faces live candeles formantur per aliquot secula, ardentes, ut videre in *Roma subterranea est* libro pluribus exemplis hoc demonstrante.

§. 4. Cum igitur Magia naturalis & Theoria & praxi conjunctim sumptis absolvatur, ultro se offert illa, quam in theoremate mox subjungimus, divisio, quod alia sit Theoretica, alia Practica. Quae tamen divisio non est stricte sic dicta divisio Totius essentialis in partes Essentiales. Nec enim Magia est corpus aliquod naturale, quod in formam & materiam, tanquam Actum & Potentiam, distribui queat; sed analogice sic dicta divisio est, vel particio totius integralis in partes integrantes. Quales autem sunt partes integrantes, tale quoque est Totum. Scilicet partes hae non univoce sumuntur pro partibus quantitativis & extensivis stricte sic dictis, tales quippe non agnoscit Totum, nisi illud, quod constat ex materia & forma; Sed analogice hae partes intelliguntur, Toti proportionatae & intensivae, hoc sensu, ut una non sit alia, sed ista extra illam posita. Tales partes integrantes sunt Scientia & Ars. Per illam res abditas Magia scrutatur, non ut sint & maneant abditae, sed ut subtiliter, colligendo unum ex alio eruantur & manifestentur e naturae visceribus. Scilicet ex operationibus aestimantur qualitates, ex qualitatibus formae, ex formis ipsae rerum essentiae. Quae pars alias *Divinatrix* vocari solet, sicut altera *Thaumaturgica*, ubi e rerum qualitatibus occultis vel etiam manifestis altius perspectis suoque loco, modo & tempore applicatis mira perficiuntur effecta. Vid. B. Spersl. in *Inst. Phys.* p. 360.

THEOR. IV.

Magia Dæmoniaca à naturali exacte distinguenda est.

§. 1. De divisione Magiae in Naturalem & Dæmoniacam primò omnium notandum est, quod ea adducatur in Physicis, non ex professo, quod dicitur, sed ex opposito saltem, quatenus opposita
juxta

juxta se posita magis elucescunt. Docet vile separare à pretioso, falsum à vero, Magicum Dæmoniæ à Magico naturali Magia nostra. Physica enim, quæ est Mater & radix Magiæ dijudicat, quid ferre valeant naturæ vires, quid ferre reculent. Illa prolem suam genuinam agnoscit & decenter exosculatur, repudiatio interim supposititio Magiæ Dæmoniæ factu, quem intrudere ausu infrunito latagit in naturæ scenam Cacodæmon ille, & per alumnos suos pandit, tribus potissimum malis artibus, quæ insigniuntur ab illis, qui aliquid contra eas consignarunt literis, his nominibus, ut vocentur *Divinatoria, Præstigatoria, & Effectoria*. Mille aliæ imò plures fallendi viæ sunt Spiritui huic facile pessimo, mille nocendi hominibus modi, adeo, ut ipse Proteus nesciat se in tot formas vertere, in quot ille quotidie se vertit fallaciarum species. Hinc quis disputando singulas scelerati capitis persequatur artes? neque attinet de iis hæc agere, nisi de tribus istis, quas ex Præstantissimi Commaris scriptoribus dedimus, tantum ad institutum nostrum.

§. 2. *Magia Dæmoniæ Divinatoria* est rerum abditarum, opæ Dæmonis, parta cognitio & prædictio. Magna omnino sagacitas ingenii est Spiritui huic, quam perficit quotidianâ animadversione rerum, quæ in Naturâ geruntur in singula momenta. Nec tamen omnia novit, non cogitationes hominum, nisi quas de proprio inspirat & suggerit homini, aut ad quas hominis naturam corruptam ex assiduo peccandi habitu aut ex aliis signis non nisi propendere omnibus horis advertit, nec futura merè contingentia, ubi nullus inter causam & effectum appareret ipsi nexus; Quanquam negari non possit, ipsum e collatione præteritorum cum præsentibus, haud pauca probabiliter colligere posse etiam de futuris contingentibus, in his præsertim incredulitatis, ubi facile potest esse eorum prædictor, quorum futurus est Autor; In rebus tamen naturalibus, ubi necessaria est inter causam & effectum cohesio, non falsa plerumque est Spiritus callidissimi scientia, positio naturali causarum influxu & non impeditio. Atque de hac scientiâ suâ communicat fidelibus suis asseclis, variis mediis & modis, de quibus prolixè agit *Peucerus in lib. de Divinat.* Ex quo potissima tantum decerpemus. Agmen ducit *θεομαντεια* complectens vaticinia ea, quæ obsessi a Dæmonibus vel afflari concitatione mentis edebant & quasi fundebant, vel rapti extra sese ex Dæmonum aspiratione

ne. *Ἱερομαντεία* erat hostiarum immolandarum ante & post mactationem consideratio & de Numinum favore facta Divinatio. Cui proximè accedebat *πυθμαντεία*, quæ erat flammæ victimæ jam ardentis consideratio in eundem finem. *Καπνομαντεία* item, quæ fiebat à fumo; *Λιβανομαντεία* quæ fiebat ex incenso thure; *Ὀνομαντεία* quæ fiebat ex vino consecrato; *ἰχθυμαντεία* ducebatur ex piscium dissectorum consideratione; *Ἀνδρωπμαντεία* ex viscerum humanorum inspectione; *ὄρνιθομαντεία* ex avium observatione, unde auspicia & auguria. *ὄνειρομαντεία* quâ ex somniis diabolicis divinabant; *λεκανομαντεία* quâ lancinis aureis vel argenteis in pelvim aquâ repletam dejectis, Dæmonem advocabant, qui ex aqua illa ad quæsitare spondebat. *Καππτρομαντεία* quâ divinabant ex nitidis tersisque speculis, in quibus apparebant rerum quæsitarum imagines, cuius speciei etiam erant *κρυπτελλεμαντεία* & *δακτυλιομαντεία*, *χεσκινομαντεία*, quâ ad res ignotas manifestandas cribrò utebantur nominaque suspectorum ordine recitabant, atque sic culpæ reum agnoscebant. Cæteras Magiæ species exequitur *Pensern* l. c. & ex eo *Wierus lib. de Præst. Dæmon. c. 11.* Inter quas maximè Totò orbe pene frequentata fuit illa, quâ Dæmon per Oracula responsa dabat suis, de rebus abditis & futuris. Qualia Oracula imprimis celebria fuerunt, Dodonæum, Jovis Hammonis & alia, de quibus *Scottus in Phys. curiosa*, p. 165. non inutilia tradit. Et hæc quidem hæcenus cum infinem, ut inclaresceret, quàm Totò cælò distet à Magiâ Dæmoniaca & omnibus iis, quæ pertinent ad eam, nostra, quæ salutatur naturalis.

§. 3. *Præstigiatoria* autem *Magiâ Dæmoniaca* meras spirat præstigias, & producit vel producere potius videtur admiranda opera Autoris sui. Scilicet mendaciorum ille quorumvis Princeps Architectus præstringit oculos auresq; hominum sapius, ut mira tunc se videre & audire existiment, licet mera ludibria sint. Alios item sensus humanos aliàs, variâ objectâ imagine fallit, nec quicquam in se omnino desiderare patitur, quod pertineat ad ingentis præstigiatoris personam egregie tuendam. Neq; per se conatur omnia ipsemet, sed persuos, quos in operationis & fœderis societatem ascivit, Magos quandoq; Tribus autem potissimum modis per Manuarios suos conficit negotium, quemadmodum docet *Melina prim. part. Sum. Thom. quæst.*

3. Art. 4. & ex eo Schotus Phys. C. p. 19. videlicet vel mutando objectum, vel aerem intermedium, vel organum sensus. Quando horum quoddam habet in sua potestate, miros exhibet lusus & prastigias. Huc certà ratione spectat Magia Ægyptiacorum, vivos serpentes, ad imitationem miraculi Divini per Moysen designati, in medium proferentium. Quanquam enim nolimus asserere cum Josepho lib. 2. Antiq. Justino lib. Resp. ad Q. Orth. Resp. ad quest. 26. Bonfrerio in cap. 7. Exodi simulatos illos fuisse Magorum serpentes & Magicò artificio, ad spectantium oculum illudendum, confictos, tamen nec pronunciare audemus, serpentes illos, operà Magorum & Magiæ Dæmoniacæ verè fuisse effectos, quod defendere tamen studet Schotus in Phy. C. p. 19. lectus Delrium in disq. Mag. l. 2. Q. 6. Rationum, quibus uterq; sententiam statuminat ex natura, hæc est summa: Quod hæc animalia sint insecta, & ex numero imperfectorum, quæ Diabolus brevi tempore ex virgâ putrefactis potuerit producere; Neq; id superare vires ejus, nam quod Solu calor multo diebus officeret, id illum posse exiguo tempore, applicandò activa, quæ novit ad hoc efficaciora. Verum hæc sententia repugnat omnino sanioris Philosophiæ placitò, secus quam judicat in præcedentibus Delrio. Falsum est, ex materiâ putri posse produci substantiam ope Dæmonis, cum ex parte principii agentis, cum ne pediculum quidem nec substantiam ullam producere de novo ullus spiritus finitus possit; Tum ex parte objecti, quod supponitur hîc putris materia virgarum Ægyptiacarum. Sit ita; putredo verò est accidens; Accidens nunquam dat substantiam ex se, neq; ministrat materiam satis aptam putredo in virgis, ex qua solâ producat corpus naturale. Et ad corruptionem magis facit effectivè putrefactio, quàm ut concurrat ad generationem animalis vivi. Veros igitur & naturales largimur hîc subfuisse serpentes cum Augustino, Theodoro, Lyrano, verum à Diabolo aliunde subreptos, vel in seminibus, vel in ipsis corporibus jam perfectis, & celeritate, quâ pollet maximâ, eo transportatos, ut prastigiæ fuerint ita, non tam in objecto, siquidem fuere veri serpentes, sicut Moysi, quàm in modo & origine præsentandi, qui fuit Prastigiatorius Dæmoniacus. Alia prastigiatoris Magiæ exempla recensentur ab aliis. Pauca, memorabilia tamen addimus. Johannes Trithemius in Chron. Hirsaug: ex Antiquioribus refert, tempore Ludovici Imperatoris, Sedechiam quendam Judæum stupenda ceram Principibus viru fecisse. Videbatur enim hominibus

devorato

devorare Hoplomachum equitem, currum onustum sanè cum equis & aurigâ deglutire, amputare capita, manus & pedes, quæ statim, hominibus illæsis, suoqueq; restituebat loco. Thomas Fazellus dec. prim. rerum Sic. l. 3. c. 1. mira refert de quodam Diodoro. Is namq; potenti carminum suorum vi homines in bruta animantia omniumq; feræ rerum formas in novas Metamorphoses transfundere videbatur, & quæ non? Quæ de Fausto Mago famoso memorantur, omnibus obvia sunt, nec tamen quæ de eo circumferuntur, certæ adeo sunt fidei singula. Videatur interim Camerari. Cent. 1. hor. sub. cap. 70. Wierus de præst. c. 4. l. 2.

§. 4. Cæterum non tantum præstigiis mortalium fatigat oculos & animos, sed etiam alio loco & tempore, ex Divino permissu, vel per se vel per ministros, objicit ipsis vera ac realia effecta Dæmon. Hinc *Magia Effectoria Dæmoniaca* est productio operum admirandorum realium, ope mali genii facta. Enim vero sicut rerum naturalium cognitionem habent non exiguam illi Spiritus, ita virium sat quoq; habent realiter efficiendi ea, quæ non superant activitatem potentie creatæ. Mulea autem possunt in naturalibus, per applicationem Activorum cum Passivis, hoc est, per causarum naturalium ad invicem applicationem ac moderationem, quam mirandi saepe consequuntur effectus. Nunquam tamen opera illa naturæ cancellos egrediuntur, sed naturalia tantum sunt respectu ipsarum causarum, quas applicat Dæmon saltem, in tempore, convenientibus subjectis, quibus agentibus, Diaboli opera plerumq; ferè nihil confert applicando, præter conditionem, sine qua effectus, qui producit, pro nunc non produceretur. Sic diaboli possunt ignem de superiori aeris parte dejicere instar fulminis, & multa perdere ac consumere; Non quod ignem hunc è concavo lunæ demittant (nullus enim inibi est, ut hic bene sentit Shottus Phyl. C. p. 51.) sed quod cogendo atomos igneas brevi temporis puncto applicent confestim Activi Passivis, fulgura post se relinquentes cum fragore tantum non horrendo. Non minori negotio ventos turbulentos excitare possunt in aere, imo excitant quandoq; eos in mari, collidendo aërem inter se vehementissimè, aut ventum alibi spirantem eò adducendo tum per se tum per Magos suos, quod quidem de Finnis, Lappis & Biarmis narrat Olavus Magnus l. 1. c. 1. l. 3. c. 18. illos ope Dæmonis ventos facere, & navigantibus, quos optent, vendere. Alia effecta jam non adduco. Paret ex his satis, quid distent æra lupinis, quid

quid Magia naturalis à Dæmoniacâ. Exempla tamen quorundam operum mirandorum adhuc addemus, per porismata ostensuri, ad quamnam referenda sint Magiam, ad quam secus.

SECTIO SECUNDA PORISMATICA

PORISM. I.

Magia naturalis fuit, per quam multiplicavit foeturam ovium suarum Jacob, quanquam hîc benedictio Divina, & extraordinarii aliquid non excludatur sed includatur.

Specimen insigne Magiæ naturalis est, quod designasse legimus *Jacobum Gen. 30.* ut augeret numerum ovium maculis aspersarum, quas pro labore pactus cum *Labano*, sibi debebat capere in posterum. Scilicet assumebat virgas, easque sagaci consiliô, albô nigrôve interstincta colore in cortice prius, in canalibus statuebat, è quibus aquam haurientes, congredebantur interim in foeturâ, coloribus variegatâ, certissimam spem oves. Bonum factum! haud fefellit Autorem institutum. Oves coitum ineundo, & oculos in virgas inusitatas defigendo, simul cum aquâ, earum imagines admittebant intimius in conceptionis articulo; Evenit postmodum, ut quos eniterentur foetus, diversè colorati, & passim candida vellera pullis infuscarentur maculis. Non disputabimus, utrum hæc in fraudem facta sint Labani, cum certum sit, mercedem debitam laborum suorum, ex conventionem cessisse Jacobo has oves, maculis variis notatas; Nec disquiremus, utrum benedictio Divina singularis plura hîc contulerit, quam alio tempore & locô, si quis hoc imitatus fuerit; Hoc facile largiemur, si modò res ipsa, quam hîc naturali ratione putamus, nobis non negetur, naturam in hoc negotio etiam partes suas egisse aliquas. Phantasia nimirum multum potest, ut in aliis rebus, ita imprimis in conceptione ac conformatione animalis. Non enim tantum agere, secundariâ quamvis & indirectâ actione in proprium corpus potest, movendo appetitum, ut hic moveat locomotivam, & ab hac rursus moveantur & excitentur varii Spiritus & humores, cum mutatione nunc hâc nunc illâ corporis; Sed etiam in alienum corpus agere interdum potis est, formatricem potentiam turbando & seducendo, ut secundum species & Ideas com-

Q

muni-

municatas & naturaliter cognitās, & in ipsa conformatione & conceptione modo hoc modo illud imprimatur, & hinc miris modis formati quandoque prodeant foetus. Hunc fere in modum res se habet cum ovibus his Jacobi. Oves in congressu videntes virgas versicolors, fortiter sibi earum imprefferunt species, quæ species repræsentatæ tenaciùs phantasiæ, moverunt è veltigio appetitum, appetitus spiritus animales, spiritus animales sanguinem aut semen & in hoc potentiam formatricem, ut secundum species & ideas illas baculorum variegatorum opus suum hæc determinaret maculis ejusdem speciei, ut repræsentabantur in virgis. Est itaque quædam Sympathia ac singularis connexio in operando inter objecti qualitatem & subjecti assimilationem, ob quam Sympathiam potentia generativa matris sese phantasiæ, cæcò quodam quasi naturæ ductu & impetu, quoad potest, conformat, ut postmodum ob Ministros spiritus ac humores matris in corporis quadam parte, & maximè ob vim formatricem in semine & peculiarem coordinationem phantasiæ ad illam partem, quam durante conceptione tangit, effigiet variè, ad imaginationem, foetum suum. Conf. Franc. Valles: de Sac. Phil. cap. II. Sperling. de Form: hom: in utero c. 5. Q. 3.

POR. II.

Magiæ naturali non est adscribenda unguenti
armarii, quod ita vocatur, & pulveris

Sympathetici curatio.

Mira sunt, quæ prædicant de hoc unguento, quod ab aliis *armarium*, ab aliis *Hoplocrisma*, à Crollio vero *Unguentum Sympatheticum* seu *Stellatum Paracelsi* vocatur. Tantam enim ei adscribunt virtutem, ut contendant, per aliquot millaria, ad ipsa decem aut duodecim etiam, quod refert Wittichius, absens vulnus posse curari, quamvis vulnere non applicetur, sed telo tantum, aut rei alii, sanguine vulnerati commaculata inungatur, atq; in linteolo mundo locoq; tepido ab omni frigore & vento remoto servetur. Omnino, nomine Autoris & Inventoris ejus primi, qui fertur Paracelsus esse, saltè auditò, cura hujus unguenti statim redditur, nimium quantum, suspecta. Paracelsus enim ille est, qui Magicis & superstitiosis suis dogmatibus jam dudum meruit nomen Favitoris Magiæ illicitæ. Vid. Thom. Erastus ex Contr. Gesn. ad calcem Diss. de Medicina Nova Balduinus l. 3. Cap. Conf. cap. 5. Porro negotium totum cum unguento hoc, sicut & cum pulvere, quem Monachum quendam ex India reducem

reducem primum proposuisse fatetur Digbaeus mox citandus, ita comparatum est, ut utrumque inhibeat assensum Cordatorum, & ad veritatis trutinam examinatum, suspicionem alicujus monstri firmiorem de se conciter. Impraesentiarum vero rem de pulvere Sympathetico comprehendemus breviter ex *Digbaeo*, qui novissime pulverem jactatum tra-
 ctatu pecul. interpolavit, additâ non obsecrâ significatione, quantum ei tribuat. *Sit aliquis graviter vulneratus absens, sumatur linteum aspersum sanguine vulnerati, vel alia res quæ ad manum est, ponatur in medio pollubrium aquâ plenum, pugillus pulveris vitrioli in aqua dissolvatur, cum linteis deinceps uniat, quod extractum ad luculentum ignem exsiccet, in aquam denud immergatur, & curatio vulneris sequetur, pulvere ipsi vulneri maxime haur applicato, quod experimento sufficienti se probasse* ita in *Hovvelio*. *Duci de Bouquanigan Secretario* testatur prædictus *Digbaeus*. Verum enim vero, quis singula accuratius examinans, credat, sanationem vulnerati productam esse ab eo, quod nullo contactu neq; substantiali, neq; virtuali, munus curandi vulnus, peregit? posito rem ita evenisse, ut narrat Autor, fortè ab alio principio evenit, quocunq; etiam, si evenit ejusmodi sanatio; Multa quippe cum re quadam possunt esse conjuncta, quæ tamen effectus alicujus determinati non statim sunt causa. Et cohæret saltem linteus ejusmodi tractatio & vulneris sanatio accidentaliter, ut antecedens & consequens, non vero necessario ut causa & effectus. Si autem curatio hæc exigatur ad principium istud physicum; *Omne agens agit per contactum in patiens*, oppido apparebit, quid de eâ sentiendum sit. Enim vero nullus intercedere hic potest contactus neq; substantialis, neq; virtualis. Non *substantialis & immediatus*, quod patet, quia vulneratus distare ponitur à remedio illo per complura spatia. Neq; contactus *virtualis* hic datur, ad quem pleriq; confugiunt quidem, sed invitâ veritate. Nam si contactus talis admittendus esset, sequeretur illum effici, aut per effluvia, aut per qualitates occultas intentionales. Non effluvia, quæ *Digbaeus* hic in partes vocat, negotium conficere queunt, quia impossibile est, tantam effluviarum copiam è pauxillo pulveris provenire posse, etsi in atomos abiret prorsus, ac tantam intercapedinem superare. Neq; certâ viâ & ordine moveri possunt atomi, quæ egredi finguntur ex pulvere, ad vulnus usque, cum ad aeris motum modò huc modò illuc pellantur, ut adeo vires suas in vulnere experiri nequeant. Non qualitates etiam expedire difficultatem queunt, quippe eas egredi ex illo medio, quæ

probabitur? Et si vel maximè probatum id esset, unde constaret? eas tantum posse transire spatium, & ibi agere, cum alias omnis qualitas determinatam activitatis suæ habeat sphaeram. Alios, qui alias vias excogitarunt inventum hoc salvandi, deducentes ab Astris promotionem hujus sanationis, studiò præterimus. Illud saltem addimus, quòd circumstantiæ necessariò in hoc negotio adhibendæ, in natura non adeò fundari videantur. Sic circumstantia est *asperio alienæ rei quàm læsæ*, cum potius vulnere, quod sanandum est, applicandus pulvis sit, quàm alienæ rei, curatione nullà indigenti. Circumstantia est, *Mense Julio exponendum vitriolum, quod concurrat ad constitutionem pulveris, Soli esse, & numerationem interim 360 horarum inoundam esse*, cum equidem, *Quantitatis nulla sit efficacia*, nec in Mense Julio plus arcani quàm in alio adhanc rem superfit. Plura vid. apud Dn. M. Rentschium, *Disp. Phys. de Heteriatriâ*.

POR. III.

Magia naturalis non potest homines mutare in lupos, feles &c. sed si quid hujus accidere videtur, præstigiis Satanæ est adscribendum.

Et si verò Diabolus, quâ est potentiâ, multa verè patrare potest facinora, tum per se, tum per Magos suos, tamen longè plura restant, in quibus realiter producendis deficit turpiter Spiritus validissimi potentia. Talia adducit Wierus non exiguo numero *l. 1. de Præst. Dem. c. 13*. Ne tamen impotentia ipsius detegatur, in autoritatis suæ præsens discriminen apud suos, ad consuetas artes secedit veterator, & quæ verè efficere nescit, præstigiis tantum non supplet, ut, cui credula in auribus & oculis mens est, juraret penè, seriò illum aliquid egisse. Quod ipsum compertum quoque est in Quæstione de hominum Metamorphosi in lupos. Non solum autem Venefici prodiderunt sapius, se verè perpeffos esse illam, sed Autores etiam passim ingentem ejusmodi exemplorum farraginem, ad memoriam nostram reliquerunt. Ut dicamus nihil de *Sociis Ulyssu in varias animantium formas à Circe Magâ mutatu*; Eruditi enim norunt, quid de ea mutatione habendum; adducimus alia, sed è multis pauca. Varro tradit apud Augustinum *lib. 18. de Civ. Dei. c. 17. de stagno quodam Scythiæ, quod homines tranando, transfigurabantur in lupos*. Ipse Augustinus narrat *l. c. suo tempore in Italiâ fuisse mulieres stabularias, quæ viatoribus caseum dabant veneficiis infectum* quò,

quò sumptò, illi in iumenta vertebantur, & onera portabant. *Olaus Magnus* l. 18. c. 45. & 47, refert in *Prussia*, *Livonia*, *Lithuania* frequens esse, ut homines Magicis artificiis, sub noctem Festi Nativ. Christi, in lupos transfigurentur, mirà feritate mox in homines & iumenta savientes. Neq; semper sine medio fecisse hoc visus mancipiis suis est Dæmon, sed mediò interdum adhibitò, sicut prolixè commemorat *Wierus* de quodam, quem *Satan* exutum nudum, linimentò inunxerit, unde se hic in lupum verè mutatum autumabat l. 6. de *Præst. c. 11*. Præstigia Magicæ sunt, quas heic suo more venditat impostor. Excedit vires Dæmonis longissimè transmutatio realis diversarum specierù, quæ naturæ finitæ prorsus impossibilis est. Non reverà igitur Diabolus hominem in lupum aut aliud brutum convertit, sed fortibùs saltem impressionibùs phantasiæ suorum dementat, ut credant firmiter, se bruta esse, cum veri interim maneanť homines. Neq; animam humanam à corpore suo solutam ad tempus, cum corpore lupino essentialiter componere potest, neque corpus lupi idoneum est sustinere informationem animæ humanæ: Alia forma aliam requirit materiam, axioma Physicum est. *Obj.* in contrarium confessio propria Magorum: verum ea, cum non sit salvi iudicii & integri, sed variis Diabolicis phantasmatis imprægnati & corrupti, vel parum vel nihil probat. Urgentur etiam vulnera, quæ sagæ verè accepisse dicuntur aliquando, cum lupi aut alia animantia transmutata à *Satana* essent. Equidem non negamus, Dæmonem Magis suis posse aeream circumdare effigiem beluæ, & circumdare quandoq; fortè, membra phantastica humanis ita circumponendò, caput capiti, pedes pedibus &c. aliq; quæ ad beluinam effigiem necessaria sunt, supplere, ut veræ bestię quoad externam speciem videantur tum sibi ipsis, tum aliis; Num tamen hic modus sit frequentior, pro explorato pronunciare cum *Schotto Phys. Cur. p. 94.* haud audemus. Quando tamen, posito hoc unionis extrinsecæ statu, membra ferina ex aere conglomerata à Diabolo, contigit vulnerari penetrantiùs, mirum non est, humana etiam membra, quibus ferina circumdata erant, postmodum verè sauciata reperiri, quia illa tunc ictum reapse experiuntur, cedente facile circumjectò aere. Aliquando tamen Diabolus, qui homicida est, & ipse Magorum corpora lauciare, merito creditur, iis membris, quæ in phantastico corpore ipsis sauciata persvaserat, ut in errore confirmet miseros, quemadmodum haud ineptè conjectat *B. Spersl. in Inst. Phys. p. 384. Conf. B. Bald. Cas. cons. l. 3. s. cas. 8.*

Unguentum illud, quô se præparant ad conventicula sua frequentanda Sagæ, ut nonnunquam verè ac realiter iis etiam interfint, referri mere-
tur non ad Magiam naturalem & licitam,
sed Dæmoniacam & illicitam.


Utrum prostibula Satanae realiter ac verè devehantur ad loca à Satana destinata, insidentes baculis aut furcis unguentô certô illicitis, quæstio certè magni momenti & altioris eo indaginis est. Non autem prolixius discutiemus eam hîc, neq; quidem hoc nostri fori est directè, sed vel tangemus saltem. Cæterum status quæstionis non est, utrum semper verè & quoad substantiam personæ suæ, deferantur ad Sabbathæ sua detestanda Sagæ, adeò, ut nullô unquam locô & tempore phantastica hîc intercurrat illusio Diaboli. Negandum enim hîc non est, quod Diabolus hominum sensibus sæpenumero fucum faciat, & phantasmata eorum ira regat, ut in locis à se desideratis esse videantur, *corpore interim domi relicto, quod umbrâ suâ cooperit* Diabolus, ut graviter inquit B. Bald. l. *antea citat.* Nec quæritur, utrum anima Sagarum, quoad substantiam abrepta extra corpus præsens sistatur à Diabolo alibi, reunien-
da deinceps ejusdem operâ, cum corpore. Nam tale factum dissolutionis animæ & illi correspondentis reunitiois ejusdem cum eodem naturæ finitæ simpliciter impossibile est, cum Soli Deo, ut jus solvendi, ita & reuniendi vinculum animæ cum corpore competat. Neq; quæritur de tempore & loco præcisè, utrum nullo alio tempore, quam Calendis Maji, neq; ad ullum unquam locum, quam ad montem Bruëterorum vulgo Blocksberg, deportentur ad Symposia sua Magiæ incantatrici cultores, & quidem omnes ex omnibus orbis angulis simul. Licet enim summæ agilitatis spiritui illud difficile haut sit, & procul dubio cum quibusdam etiam illo loco ac tempore ita fiat, nû tamen exinde sequitur, illum idem peragere cum omnibus omnium locorum, unô noctis articulô? quasi desit in viciniâ vel alibi mons, ad quem possit deferre Amasias suas realiter, ita tamen, ut fortissimâ quâdam vi ipsis imprimat, hunc eundem esse montem, quem nobilitavit jamdiu, inter vulgus, Sagarum visitatio. Hoc tandem in quæstione est, utrumne aliquando verè & realiter, tum quoad corpus tum quoad animam, deferri possint

sint à Satana ad congregationes suas Sagas, imò deferantur etiam interdum. De potentiâ quis dubitet? cum potentiam hanc suam impudentissimus Nebulo probare ausus sit in ipso Christo, ducendô eum, verè insublime, permissione Divinâ, & mox super Pinnaculum Templi, mox super montem excelsum valde statuendô. Quod autem actu ipso læpet transtulerit Sagas idem Spiritus, testantur exempla tum vetera tum recentiora. His annumerandum, quod Bodinus refert l. 2. *Demonoman. c. 4* de Magâ quadam Lothiana, quæ cum sæpius noctu abesset à viro, & in suspicionem libidinis veniret, hic necem interminatus fœmina est, nisi indicaret, quò proficisceretur. Illa sibi à periculo metuens, rem ut erat confessa est: Atque ut videas rem ita se habere, (pergit ad Maritum) si volueris, eodem venies. Tunc tradidit ei unguentum, quò se uterq; inunxerunt, & pronuntiatis aliquot vocibus, Diabolus eos in Arenarias Burdegaleses exportavit. Simile quid Lugduni quoq; contigisse idem l. c. addit: Mulier quadam surrexit de nocte, accendit lucem, arreptâ pyride inunxit sese, & post voces aliquot elata est. Hos ritus fieri observans Mæchus, qui cum eâ cubaverat, cum, muliere non amplius inventâ, solam unguenti pyxidem reperisset, curiosâ animò exploraturus, quid unguentum posset, fecit, prout fieri animadvertat. Ita statim elatus, comperit se cum Magorum cœtu esse in agro Lothringiæ, & consternatus est. Alia citare nunc quidem non vacat. Vid. Delrius l. 2. *Disp. Mag. Q. 16.* & qui ex eo plura compilavit Schottus *Phys. Cur. p. 70.* Cum quibus etiam exemplis consentiunt recentiorum Sagarum plerarumq; confessiones propriæ, quibus fidem omnibus derogare, quis præsumat? Quis enim nisi prorsus refractariûs sibi persuadeat, Sagas omnes, quæ similia de se & aliis enuntiant, & omnes illos, qui vigilantes & nihil tale volentes eo delati fuere, per imaginationem meram, à Diabolo perpetuò esse falsos & deceptos? Unguentum tamen istud, quod ex Diaboli suggestionem adhibuisse dicuntur sagæ, ad procurandam translationem, ex se & naturali quâdam vi in hunc effectum transportationis realis influere non potest, sed verò Diabolus ipse omnes tantum non sustinet partes. Nam ex quacunq; materia etiam istud confectum sit, ex variis autem rebus, maxime ex urguine necatorum infantum (horrendum dictu!) Sagas id conficere solere, Schottus l. c. scribit; Obviæ tamen, ut puto, omnibus res veritas est, nullam hic esse proportionem & connexionem inter effectum & causam prorsus. Pro formâ itaq; quod dicitur, solum hoc unguentum ipsis injungere videtur Dæmon, & cum posset sine unguento illas transferre,

terre, copiosius vult hoc adhiberi, ut quamplurimos infantes per-
mant Sage, opinantes, sine illo ad conventum se deferri non posse.
Plura in hac fecunda materiâ quæ præter opinionem jam sub
manibus crevit, addere nunc non licet. Tantum.

SOLI DEO GLORIA!

Magiæ Dæmoniacæ Autori Ignominia!



Ad Præstantissimum DOMINUM

HEINONEM MÆNEX/

Humanitatis & Juris Utriusq; Studiosissimum
Amicum dilectum

RESPONSURUM

de

MAGIA.

Sic dum sanctorum meditantur templa Magorum
Gaudia, Philosophus tu cupis esse Magus
Sic felix! & ceu cessit feliciter illis
Sic, quoq; sit felix quod meditaris opus!


Augustus Varenius D.



Abditæ Naturæ pandit, lustratq; Magia
Atq; Sophos claros mira patrare docet.
Egregiè produs, quid distent fanda nefandus,
Præstigias Satana noscere quidq; juvet.
Pergè viam cæptam. Duro non cede labori
Sic tandem Patriæ proderis atque Tibi.

Boni ominis E. f.

M. Hermannus Becker / P. P.



Abditæ Naturæ scrutari mente sagaci
Ingenii res est, Fautor honore, Tui.
Succedant ausus primi feliciter, opto,
Et veniant studio præmia certa tuo.

Boni omniu Causâ apponebam properè

M. Bartholomæus Schütze/

Gryhibergâ Pomeranus.
